



KEMENTERIAN KERJA RAYA

MALAYSIA

KENYATAAN MEDIA

MENTERI KERJA RAYA TINJAU JALAN PERSEKUTUAN DI NEGERI PERAK

TANJUNG MALIM – Kementerian Kerja Raya (KKR) terus komited dalam memberikan khidmat yang terbaik dalam mengatasi isu berkaitan penyenggaraan di Jalan Persekutuan. Selepas laluan Jalan Persekutuan di negeri Kedah, Menteri Kerja Raya, Dato Sri Alexander Nanta Linggi meneruskan sesi tinjauan di Jalan Persekutuan di negeri Perak Darul Ridzuan. Laluan yang terlibat dalam tinjauan kali ini adalah seperti berikut:

- FT001 – Jalan Ipoh – Tanjung Malim
- FT058 – Jalan Bidor – Teluk Intan

Jumlah panjang Jalan Persekutuan di negeri Perak adalah **1,514.05 km**. Sehingga bulan Mei 2023, Kementerian Kerja Raya telah memperuntukkan sebanyak **RM42,468,311.38** bagi penyenggaraan Jalan Persekutuan di negeri Perak. Peruntukan ini adalah bagi kerja – kerja penyenggaraan rutin, berkala pavemen, bukan berkala pavemen dan lain –lain termasuk untuk kerja penyenggaraan kecemasan.

Terdapat beberapa projek naiktaraf di laluan Jalan Persekutuan yang sedang dilaksanakan iaitu:

- Menggantikan Jambatan FT001/709/40, Sg. Bogak, Kerian (Jangkaan siap : Jun.2025)
- Penggantian Jambatan FT001/683/50, Sg. Air Puteh, Larut, Matang & Selama (Jangkaan siap : Jun.2023)
- Menggantikan Jambatan FT071/17/300, Manjung (Jangkaan Siap : Februari 2025)
- Menggantikan Jambatan FT001/562/00, Sg, Kinchap, Kampar (Jangkaan siap : Januari 2025)

Manakala bagi laluan Jalan Raya Timur Barat (FT004), kerja-kerja penyenggaraan melibatkan kerja berkala pavemen sedang giat dilaksanakan secara berperingkat. Sebanyak **RM7,440,000.00** telah diperuntukan untuk kerja-kerja penyenggaraan di laluan tersebut. Kementerian Kerja Raya sentiasa peka dengan isu yang sering dibangkit pengguna dan juga Kerajaan Negeri berkenaan laluan tersebut yang telah uzur kerana telah berusia lebih 40 tahun.

KKR akan berusaha memberikan kerjasama dan perkhidmatan yang terbaik dalam menyediakan kemudahan infrastruktur yang selamat dan selesa.

KEMENTERIAN KERJA RAYA

18 MEI 2023

Unit Komunikasi Korporat | Kementerian Kerja Raya Malaysia

WWW.KKR.GOV.MY PRO@KKR.GOV.MY KEMENTERIAN KERJA RAYA KKR_MALAYSIA @MOWORKS KEMENTERIAN KERJA RAYA OFFICIAL

Tel : 03 8000 8000 / D.L : 03 2771 4616 / 4627 | Faks : : 03 2711 1101

Jalan Sultan Salahuddin,
50580 Kuala Lumpur